



Na osnovu člana 10. i 136. Zakona o službi u Oružanim snagama Bosne i Hercegovine („Službeni glasnik BiH", broj: 88/05, 53/07, 59/09, 74/10 i 42/12) i člana 8. stav (1) Pravilnika o prijemu u vojnu službu („Službeni glasnik BiH", broj: 57/14), u skladu sa Odlukom Ministarstva odbrane, broj:10-34-1-2914-1/14 od 04.08.2014. godine, a u cilju popune upražnjenih formacijskih mjesta u Oružanim snagama Bosne i Hercegovine, Ministarstvo odbrane Bosne i Hercegovine, Hamdije Kreševljakovića broj 98, 71000 Sarajevo, raspisuje:

JAVNI KONKURS
za prijem kandidata u profesionalnu vojnu službu
u početnom činu oficira Oružanih snaga Bosne i Hercegovine

**I KONKURS ZA PRIJEM KANDIDATA IZ REDA BOŠNJAČKOG NARODA
OBJAVLJUJE SE ZA PUKOVE I RODOVE/SLUŽBE**

R/B	Rod - služba	Broj izvršilaca	Posebni uslovi
1.	Veza	1	elektrotehničke ili informatičke struke, smjer telekomunikacije ili informatika
2.	Vojno obavještajni	1	kriminalističke struke ili smjer sigurnost
3.	Služba vojne policije	1	pravne ili kriminalističke struke ili završen studijski program za osposobljavanje policijskih službenika
4.	Tehnička služba	2	mašinske struke
5.	Vazduhoplovno tehnička služba	1	mašinske, elektrotehničke ili saobraćajne struke
6.	Saobraćajna služba	1	saobraćajne struke
7.	Sanitetska služba	1	medicinske struke, smjer opšti
8.	Veterinarska služba	1	veterinarske struke
9.	Muzička služba	1	instrumentalnog smjera, instrument truba
10.		1	instrumentalnog smjera, instrument klarinet/saksofon
11.		1	instrumentalnog smjera, instrument trombon/eufonij
12.		1	instrumentalnog smjera, instrument horna

**II KONKURS ZA PRIJEM KANDIDATA IZ REDA SRPSKOG NARODA
OBJAVLJUJE SE ZA PUKOVE I RODOVE/SLUŽBE**

R/B	Rod - služba	Broj izvršilaca	Posebni uslovi	
1.	Veza	2	VSS VII stepen ili I ciklus bolonjskog sistema studiranja	elektrotehničke ili informatičke struke, smjer telekomunikacije ili informatika
2.	Vojno obavještajni	2		kriminalističke struke
3.		1		elektrotehničke ili informatičke struke, smjer telekomunikacije ili informatika
4.		1		smjer sigurnost ili smjer sport
5.	Tehnička služba	4		mašinske struke
6.	Intendantska služba	1		ugostiteljske, prehrambene ili tekstilne struke/smjera
7.	Sanitetska služba	5		medicinske struke, smjer opšti
8.	Finasijska služba	2		ekonomske struke, smjer finasijsko-računovodstveni

**III KONKURS ZA PRIJEM KANDIDATA IZ REDA HRVATSKOG NARODA
OBJAVLJUJE SE ZA PUKOVE I RODOVE/SLUŽBE**

R/B	Rod - služba	Broj izvršilaca	Posebni uslovi	
1.	Služba vojne policije	1	VSS VII stepen ili I ciklus bolonjskog sistema studiranja	pravne ili kriminalističke struke ili završen studijski program za osposobljavanje policijskih službenika
2.	Vojno obavještajni	1		smjer sigurnost ili smjer sport
3.	Tehnička služba	1		mašinske struke
4.	Finasijska služba	1		ekonomske struke
5.	Saobraćajna služba	1		saobraćajne struke
6.	Intendantska služba	1		ugostiteljske, prehrambene ili tekstilne struke/smjera

IV OPĆI USLOVI PRIJEMA U PROFESIONALNU VOJNU SLUŽBU

Shodno članu 9. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10 i 42/12) i članu 13. Pravilnika o prijemu u vojnu službu („Službeni glasnik BiH“, broj: 57/14), kandidati koji apliciraju za prijem u profesionalnu vojnu službu moraju ispunjavati sljedeće opće uslove:

- da su državljani Bosne i Hercegovine;
- da su zdravstveno sposobni za službu u Oružanim snagama BiH;
- da nisu osuđivani na bezuslovnu zatvorsku kaznu u trajanju dužem od 6 (šest) mjeseci;
- da nisu prethodno otpušteni iz državne službe ili pravnog lica zbog povrede službene dužnosti u

- posljednje tri godine;
- e) da im pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane;
 - f) da se protiv njih ne vodi krivični postupak za krivično djelo za koje se goni po službenoj dužnosti;
 - g) VSS VII stepen ili I ciklus bolonjskog sistema studiranja;
 - h) da u vrijeme prijema, to jeste na dan 01.01.2016. godine, nisu stariji od 27 (dvadeset sedam) godina i
 - i) da su uspješno završili osnovnu oficirsku obuku.

V POSEBNI USLOVI PRIJEMA U PROFESIONALNU VOJNU SLUŽBU U POČETNOM ČINU OFICIRA

Pored posebnih uslova obrazovanja iz tačaka I, II i III konkursa, kandidati koji apliciraju za prijem u profesionalnu vojnu službu moraju ispunjavati sljedeće posebne uslove:

- a) da su položili test fizičke spremnosti prema propisanim normama (eliminatorsni prag je 60% od maksimalnog broja bodova po svakoj pojedinačnoj disciplini testa);
- b) da su položili test općeg znanja (eliminatorsni prag je 60% od maksimalnog broja bodova);
- c) da su položili test engleskog jezika ALCPT (eliminatorsni prag je 60% od maksimalnog broja bodova);
- d) da su položili test fizičke kondicije (biip test);

VI TESTIRANJE KANDIDATA

Kandidati će u procesu selekcije i izbora, kroz tri faze, biti podvrgnuti obaveznom testiranju i provjerama.

Prva faza provjera:

Prva faza provjera se provodi u centrima za regrutovanje i tranziciju u Sarajevu, Banjoj Luci, Čapljini i Tuzli, i obuhvata:

- test fizičke spremnosti,
- test općeg znanja i
- test engleskog jezika.

Kandidati koji ispunjavaju opće i posebne uslove i koji prilože svu potrebnu dokumentaciju, bit će pravovremeno obaviješteni putem telefona ili pisanog poziva o vremenu i mjestu realizacije Prve faze provjera. Testiranja u Prvoj fazi traju jedan dan i u tom periodu nije obezbjeđena ishrana kandidata.

Kandidati će biti obavezni, prije pristupanja testu provjere fizičke spremnosti, potpisati izjavu o zdravstvenoj sposobnosti. Ministarstvo odbrane BiH ne preuzima odgovornost za eventualne zdravstvene posljedice kandidata nastale u procesu provjera.

Svi kandidati koji postignu rezultate iznad eliminatorsnog praga se boduju i čine rang liste uspješnosti po rodovima i službama na koje su se kandidovali u okviru nacionalnih pukova. U Drugu fazu provjera se upućuju po četiri prvorangirana kandidata po svakom raspisanom izvršiocu vodeći računa o spolnoj zastupljenosti.

Norme za provjeru fizičke spremnosti dostupne su na službenoj internet stranici Ministarstva odbrane BiH (www.mod.gov.ba).

Druga faza provjera:

Druga faza provjera se realizuje u Komandi obuke i doktrine u Travniku i podrazumijeva testiranje liderskih sposobnosti kandidata kroz sljedeće vrste testova:

- test fizičke kondicije (biip test),
- psihometrijski test,
- komandne zadatke bez vođe,
- vježbe planiranja,
- grupnu diskusiju,
- esej,
- prezentaciju,
- poligon sa pojedinačnim preprekama,
- komandne zadatke sa vođom i
- timsku utрку.

U Drugoj fazi provjera eliminatoran je samo test fizičke sposobnosti i kondicije (biip test), dok se kod ostalih provjera boduje i zbraja uspjeh svakog kandidata na svakoj provjeri. Kandidati se na osnovu osvojenih bodova rangiraju na konačne liste uspješnosti po rodovima i službama za koje su se kandidovali u okviru nacionalnog puka. Sa konačnih rang lista uspješnosti se odabiru najbolje plasirani kandidati, shodno konkursom traženom broju izvršilaca u okviru roda i službe. Ukupno se odabire 37 (tridesetsedam) kandidata, vodeći računa o spolnoj zastupljenosti i isti se upućuju u Treću fazu provjera.

Provjere Druge faze traju pet dana i tada su obezbijeđeni smještaj i ishrana kandidata.

Treća faza provjera:

Treća faza provjera obuhvata:

- zdravstvene preglede i
- sigurnosne provjere.

Za sve kandidate koji uđu u Treću fazu provjera za prijem u profesionalnu vojnu službu, Ministarstvo odbrane će organizovati zdravstvene preglede i izvršiti osnovnu sigurnosnu provjeru. U vojnu službu neće biti primljeni kandidati koji ne zadovolje na zdravstvenom pregledu i za koje se tokom osnovne sigurnosne provjere utvrdi postojanje sigurnosne smetnje iz člana 59. Zakona o zaštiti tajnih podataka Bosne i Hercegovine („Službeni glasnik BiH”, broj: 54/05 i 12/09).

Umjesto kandidata koji ne zadovolje na zdravstvenom pregledu ili sigurnosnoj provjeri, na ove provjere bit će upućeni sljedeći kandidati sa rang liste, vodeći računa o nacionalnoj i spolnoj zastupljenosti.

Kandidati koji budu oglašeni zdravstveno sposobnim za vojnu službu i ne budu imali sigurnosnu smetnju, upućuju se na osnovnu oficirsku obuku.

Kandidati koji ne zadovolje kriterije u bilo kojoj fazi provjera ili odustanu od provjera ili prekrše disciplinske propise i norme tokom procesa odabira i selekcije bit će eliminisani iz daljnijeg procesa odabira. O eliminaciji kandidata odlučuje Komisija za izbor i o istom obavještava kandidate.

VII OSNOVNA OFICIRSKA OBUKA

Osnovna oficirska obuka traje 44 (četrdesetčetiri) sedmice i odvija se u centrima za obuku Oružanih snaga Bosne i Hercegovine u Pazariću i Travniku, prema posebnom planu osnovne oficirske obuke. Na osnovnoj oficirskoj obuci kandidati će biti obavezni pristupiti ulaznom testu fizičke spremnosti. Kandidatima koji na tom testu ne postignu 80% rezultata koji su postigli na provjeri fizičke spremnosti u Fazi 1, bit će prekinuta obuka i neće biti primljeni u profesionalnu vojnu službu u

Oružane snage BiH. Prava i obaveze između kandidata za prijem u profesionalnu vojnu službu i Ministarstva odbrane BiH regulišu se posebnim Ugovorom o osnovnoj oficirskoj obuci. Kandidati koji ne ispune obaveze iz Ugovora o osnovnoj oficirskoj obuci neće biti primljeni u profesionalnu vojnu službu.

VIII PRIJEM U PROFESIONALNU VOJNU SLUŽBU

Kandidati koji uspješno završe osnovnu oficirsku obuku zaključuju, sa Ministarstvom odbrane Bosne i Hercegovine, Ugovor o prijemu u profesionalnu vojnu službu i postavljaju se u komande i jedinice na odgovarajuće formacijsko mjesto, prema njihovim preferencama, u okviru puka, roda odnosno službe za koju su konkurisali. Ako odgovarajuće formacijsko mjesto u puku, rodu, odnosno službi nije slobodno, kandidatu će biti ponuđena mogućnost prihvatanja drugog formacijskog mjesta unutar Oružanih snaga BiH. Ako kandidat odbije alternativno formacijsko mjesto, oslobađa se službe bez ikakvih daljnjih obaveza. Niti od jednog kandidata, po završetku osnovne oficirske obuke, neće biti traženo da se protiv svoje volje priključi nekom puku, komandi, jedinici, rodu, odnosno službi.

IX OPIS POSLA

Po završetku osnovne oficirske obuke, proizvođenja u oficira čina potporučnika i prijema u profesionalnu vojnu službu, lice se postavlja na odgovarajuće formacijsko mjesto. Dužnost, jedinica i mjesto službe (lokacija) odredit će se Ugovorom o prijemu u profesionalnu vojnu službu i Naredbom o postavljenju. Oficir profesionalnu vojnu službu obavlja u skladu sa Zakonom o odbrani, Zakonom o službi u Oružanim snagama BiH, Pravilom službe u Oružanim snagama BiH, Strojevim pravilom i drugim propisima koji regulišu profesionalnu vojnu službu. Od oficira se očekuje postizanje najviših standarda, na profesionalnom i ličnom nivou i boravak i rad u uslovima koji su primjereni vojničkom životu, što podrazumijeva određena ograničenja u odnosu na obaveze i prava civila.

X PRAVA I OBAVEZE LICA KOJA BUDU PRIMLJENA U PROFESIONALNU VOJNU SLUŽBU U ORUŽANE SNAGE BOSNE I HERCEGOVINE

Prava i obaveze lica koja budu primljena u profesionalnu vojnu službu definisana su Zakonom o odbrani Bosne i Hercegovine („Službeni glasnik BiH”, broj: 88/05) i Zakonom o službi u Oružanim snagama BiH („Službeni glasnik BiH”, broj: 88/05, 53/07, 59/09, 74/10 i 42/12), podzakonskim i drugim normativnim dokumentima Ministarstva odbrane BiH. Lica primljena u profesionalnu vojnu službu obavezuju se da će dati svoj puni doprinos na usvajanju znanja i vještina na raznim vidovima obuke i usavršavanja u organizaciji Ministarstva odbrane BiH i Oružanih snaga BiH u zemlji i inostranstvu, te na obavezu služenja u rezervnom sastavu Oružanih snaga BiH. Također će težiti na svom ličnom vojno-stručnom usavršavanju kroz razne vidove edukacije. Lice primljeno u profesionalnu vojnu službu se obavezuje, da će u sastavu jedinica Oružanih snaga BiH, uzeti učešća u ispunjavanju obaveza Bosne i Hercegovine u operacijama podrške miru u inostranstvu.

XI PRAVA I OBAVEZE MINISTARSTVA ODBRANE BOSNE I HERCEGOVINE

Ministarstvo odbrane BiH će u postupku odabira isključivati kandidate za prijem u profesionalnu vojnu službu zbog: neispunjavanja općih i posebnih uslova konkursa, sigurnosnih smetnji, zdravstvene nesposobnosti utvrđene zdravstvenim pregledom i drugih provjera prema propisima za prijem u profesionalnu vojnu službu.

Ministarstvo odbrane BiH će jednostrano i bez naknadnih obaveza odbiti prijavu kandidatu u bilo kom trenutku u postupku prijema, ako je kandidat prikrrio smetnju (sigurnosnu, zdravstvenu ili dr.) za prijem, koja je postojala u vrijeme prijave na Javni konkurs ili ukoliko se naknadno utvrdi postojanje sigurnosne smetnje ili kandidat počini djelo koje se smatra sigurnosnom smetnjom iz člana 59. Zakona o zaštiti tajnih podataka Bosne i Hercegovine („Službeni glasnik BiH”, broj: 54/05 i 12/09).

Ministarstvo odbrane BiH će prema kandidatima koji budu primljeni u profesionalnu vojnu službu izvršiti sve obaveze definisane Zakonom o odbrani Bosne i Hercegovine i Zakonom o

službi u Oružanim snagama BiH, podzakonskim i drugim normativnim aktima Ministarstva odbrane BiH, te će lice primljeno u profesionalnu vojnu službu postaviti na odgovarajuće formacijsko mjesto u skladu sa njegovim sposobnostima, rezultatima osnovne obuke i izvršene klasifikacije vojnih lica po specijalnostima, obezbijediti platu i druga novčana primanja koja tom licu pripadaju, prava iz penzijskog, invalidskog i zdravstvenog osiguranja, kao i druga prava i naknade koja im pripadaju u skladu sa Zakonom o službi u Oružanim snagama BiH.

Ministarstvo odbrane BiH će licima koja budu primljena u profesionalnu vojnu službu omogućiti unapređenje, te daljnje usavršavanje i vojno stručno osposobljavanje u skladu sa potrebama Oružanih snaga BiH, pokazanim rezultatima u obavljanju profesionalne vojne službe i važećim propisima.

XII OSTALO

1. Potrebne informacije i obrasce prijave kandidati mogu dobiti od centara za regrutovanje i tranziciju na sljedećim lokacijama:

- a) Sarajevo (Kasarna „Rajlovac“), Ulica Safeta Zajke bb, tel. 033/773-114;
- b) Banja Luka (Kasarna „Kozara“), Knjaza Miloša bb, tel. 051/335-886;
- c) Čapljina (Kasarna „Božan Šimović“), Grabovina bb, tel. 036/811-084;
- d) Tuzla (Vojna baza „Aerodrom Dubrave“), tel. 035/814-954;
- e) ili preuzeti na službenoj internet stranici Ministarstva odbrane BiH (www.mod.gov.ba).

2. Kandidati su obavezni dostaviti sljedeću dokumentaciju:

- a) popunjenu i potpisanu prijavu sa biografijom (obrazac se nalazi na službenoj internet stranici Ministarstva odbrane BiH www.mod.gov.ba);
- b) uvjerenje o državljanstvu (ne starije od 6 mjeseci);
- c) izvod iz matične knjige rođenih (original ili ovjerena kopija);
- d) uvjerenje o prebivalištu, odnosno boravištu PBA-3 (ne starije od 15 dana);
- e) ovjerena kopija diplome ili uvjerenje o stečenoj stručnoj spremi ne starije od godinu dana ili dokaz o nostrifikaciji za diplome koje nisu stečene u Bosni i Hercegovini, uz utvrđen ekvivalent stručne spreme prema stepenu školske spreme zahtijevanom u konkursu, koju je izdao nadležni organ u Bosni i Hercegovini i
- f) ovjerenu izjavu da lice nije prethodno otpušteno iz državne službe ili pravnog lica zbog povrede službene dužnosti u posljednje tri godine;

Napomena: Nadležni Sektor Ministarstva odbrane će naknadno, po službenoj dužnosti, utvrditi da li kandidati ispunjavaju opće uslove, koji se odnose na činjenice iz poglavlja IV tačka c), tačka e) i tačka f) ovog Javnog konkursa, i to za kandidate koji su ušli u uži izbor za prijem u profesionalnu vojnu službu u Oružane snage BiH.

3. O vremenu i mjestu testiranja i provjera u Prvoj, Drugoj i Trećoj fazi kandidati, koji ispunjavaju opće i posebne uslove i koji prilože svu potrebnu dokumentaciju, bit će pravovremeno obaviješteni putem telefona ili pisanog poziva.

4. Selekciju i izbor kandidata za prijem u profesionalnu vojnu službu u Oružane snage BiH vršit će Komisija za izbor oficira, imenovana od strane Ministra odbrane BiH.

5. Prilikom odabira kandidata za prijem u profesionalnu vojnu službu vodit će se računa o ravnopravnoj zastupljenosti spolova u skladu sa Zakonom o ravnopravnosti spolova („Službeni glasnik BiH“, broj: 16/03, 102/09 i 32/10).

6. Kandidati za prijem u profesionalnu vojnu službu u Oružane snage BiH bit će tretirani s punim poštovanjem principa transparentnosti, pravičnosti i istih mogućnosti. Neće biti diskriminacije ni po kojem osnovu.

7. Nakon završene konkursne procedure, u roku od 6 mjeseci, kandidati koji ne budu primljeni u profesionalnu vojnu službu mogu preuzeti dokumentaciju u centrima za regrutovanje i tranziciju na lokacijama navedenim u tački 1. poglavlje XII ovog Javnog konkursa.
8. Nepotpune, neblagovremene i neuredne prijave, kao i kopije tražene dokumentacije koje nisu ovjerene, neće se uzimati u razmatranje. **Rok za predaju prijava sa pratećom dokumentacijom na Javni konkurs je 21 (dvadestjedan) dan od dana objavljivanja na službenoj internet stranici Ministarstva odbrane BiH (uključujući dan objavljivanja).**
9. Prijave na Javni konkurs, sa propisanom dokumentacijom dostaviti preporučeno putem pošte na adresu:

MINISTARSTVO ODBRANE BiH
ORUŽANE SNAGE BiH
KOMANDA ZA UPRAVLJANJE PERSONALOM
ul. Knjaza Miloša bb
Kasarna „Kozara“
78000 Banja Luka
s naznakom „za Javni konkurs za prijem oficira u PVS“



MINISTAR
Zekerijah Osmić
Zekerijah Osmić, dipl. oec.

Broj: 10-34-1-2914-4/14
Sarajevo, 09.09.2014. godine